



Dr Terminator spielt sy neyschti Rolle in dr Boilitigg

Umgekehrt wäre Boilitigger als Filmstars au no schligg

Fir dr Muurer gäb s e Hauptrolle im Film «Ueli dr Knächt»

DRegierig z Lieschel miech sich in «Les Miserables» au nit schlächt

Au d Angl Merkel vo dr Dytsche CDU kennt do brilliere

Und sich e Hauptrolle im Film «Die Wüste lebt – Dail 2» garniere

In «Robin Hood» do wurd dr HaMaTschu sy Draumrolle bikoo

Als hoole Baum kennt er ganz unschynbar und nutzloos ummestoo

Nimmisch vom Kartespiil die erschte vier in dynl balde Händ

Stellsch si vorne, hinde, lings und rächts uff – scho stehn alli Wänd

E Karte obe druff, denn muess es heebe – 10 Sekunde

Und scho hesch e Job als Archidägg fir Basler Gfängnis gfunde

1 : 10 stehn eppe d Chance fir e Stigg vom EHC

1 : 10 dass d Schwyzer Ski-Cracks s Zyl bi Dagesliecht dien gseh

1 : 10 isch au d Woehrschynligkait, dass e Maa e Frau verstobt

Und 1 : 1000, dass dr Hakan Yakin gscheyis Zyyg unseloot

Au mir Gsalzene sinn treui Wähler vo dr SVP

Aber d Botschaft hinter dämm Blakaat hämmir au lang nit gseh

Hett d Zanolari dur dr Summer so-n-e Frauebart bikoo?

Hett dr Henri Dunant ändling mol dr Finger usegnoo?

Denn hämmer s gschnallt und kenne Eych dr Hilwys dlef in s Hirni ritze

Als SVPler sottsch dy waichi Bilre mit 'me Lumbe schilze

«Mensche zem Mars» schwaflet dr Bush und maint me dät en widerwähle

Fir dä Marsflug kennt mir ihm no e Gäldgäber empfähle

«Mars macht mobil» – dä Sponsor basset zem Clown äne am grosse Daich

Wie dä Schoggiriegel isch er usse brunn und inne waichi

Superstar – click – Superstar – flash – Superstar – blitz – Superstar

Musicstar – click – Musicstar – flash – Musicstar – blitz – Musicstar

Au z Basel hofft e mänge Pseudo uff s ganz groosse Loos

Aber doo blitzt nur dr bees Bläschschugger an dr Nauestrooss –

«Auf nach Bern», so deent dr wildi Bruntschrey vo de Schwarzkathoole

Mit dämm Slogan wott die Raubdiehorte CVP-Sitz hoole

Aber Jaule ohni Zehn und Gralle macht dr Wähler hil

Drum sinn die Kätzli scho am Wahldaag wider zrugg in Basel gsii

Im Bundeshuus isch me am Munggle
Wohrede duet me schlau verdunggle
D Intrigante hänn sich quält
E neye Bundesroot isch gwählt

Zer Fyyr vom Daag gitt s denn e Cüpli
Fir das ney Altheereclübpli
Drzue bruuchts no – das isch kai Gleschter –
Pro Bundesroot e Spitex-Schweschter

D Calmy-Rey hett nit lang gsteht
Als Groossmamme isch si sich s gwehnt
Privat läbt si ohni sich z schämme
Mit somme alte Gnoche zämme

Und wenn mol groossi Sorge blooge
Bruuchts zem Beruhige kaini Drooge
Denn kaa als Jung-Spund fir die Alte
D Schloofpille Schmid e Aasprooch halte

Still verwalte, s Müüli halte
Längt em Deiss zem s Stühli bhalte
Verschafft sich niene wirgglig Ghehr
Er isch s Regierigs-Non-Valeur

Bi zue vyyl Hektik, Stress und Panne
Mien sich au d Bundesreet entspanne
Fir s Amusement so zwischeduure
Derf drum dr Hofnarr Couchepin schnuure

Drotz Flugstryt hett s em Moritz glänggt
Er hett de Schwoobe alles gschänggt
Die maine logger: «Danggschön, Schnäuzle,
Dir gemmer s Bundesverdienschtkräuzle»

Dr Blocher – ohni sich z geniere
Losst s Hääsli Metzler pensioniere
Und d SVP maint unbeschwärt:
«E Frau meh fir hinter dr Härd!»

Dr Merz kaa das nit ignoriere
Wott sich fir d Fraue engagiere
Drum duet er jetzt in allne Laage
Undrem Aazug Sträpsli draage

Die Situation isch nit zem Lache
Jetzt frogt me uns: «Was isch doo z mache?»
S gitt nur ai Wääg uus däre Noot:
DIE GSALZENE IN BUNDESROOT I